

CADUSHI LARGO LO HAYA SU PROPIO KLEUTERSCHOOL

ORANJESTAD(AAN) -- E aña aki Cadushi Largo lo haya su propio kleuterschool consistiendo di tres klas.

Den pasado e school di Cadushi Largo yama Sint Janschool tabata tin un kleuterklas den e edificio di e school basico.

Cu construccion di e tres localnan aki, e kleuterschool ta bira un school riba su mes y e school basico entrante promer di Augustus lo no ta un dependance mas di Mariaschool.

E promer piedra pa construccion di e kleuterschool pa Cadushi Largo lo ser poni awe Diabierna 19 di Juli pa 4'or di atardi.

E contratista Carlos Dania ta encarga cu e construccion

y lo mester keda cla den un periodo di 60 dia. Ta trata aki di un inversion di 450 Mil Florin. E proyecto aki ta ser financia for di propio fondonan di Gobierno di Aruba.

E ceremonia lo tuma lugar den presencia di miembronan di Consejo di Ministro y di directiva di SKOA, maestronan, alumnonan y habitantenan di e barío di Cadushi Largo.

Telefonnan

di DIARIO:

26747-22207

35026